

# SLUŽBENE NOVINE TUZLANSKOG KANTONA

GODINA 23·TUZLA, SUBOTA, 10. SEPTEMBAR 2016. GODINE·IZDANJE NA BOSANSKOM JEZIKU·BROJ 10

781

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“ br. 13/99, 10/00, 14/02, 6/04 i 10/04) na prijedlog Vlade Tuzlanskog kantona, Skupština Tuzlanskog kantona, na sjednici održanoj 9.9.2016. godine, donosi

## ZAKON

### O IZMJENAMA I DOPUNAMA ZAKONA O VISOKOM OBRAZOVANJU

#### Član 1.

U Zakonu o visokom obrazovanju („Službene novine Tuzlanskog kantona“, broj: 7/16), u članu 54. u stavu (5) iza riječi „diplomiranih pravnika“ dodaju se riječi „ili lica sa završenim prvim ciklusom visokog obrazovanja pravne struke prema bolonjskom sistemu studiranja koji se vrednuje sa 240 ECTS bodova.“

U stavu (6) riječi „iz reda diplomiranih pravnika zaposlenih na univerzitetu“ brišu se.

U stavu (7) riječi diplomiranih pravnika“ brišu se.

#### Član 2.

U članu 60. u stavu (1) tačka o) briše se.

Dosadašnja tačka p) postaje tačka o).

#### Član 3.

U članu 77. iza stava (4), dodaje se novi stav (5), koji glasi:

„(5) Nastavniku koji je izabran u naučno-nastavno zvanje u jednoj naučnoj oblasti, na njegov zahtjev će se omogućiti izbor u više zvanje u drugoj srodnoj naučnoj oblasti, ukoliko ispunjava uslove za to.“

Dosadašnji stavovi (5), (6), (7), (8), (9), (10) i (11) postaju stavovi (6), (7), (8), (9), (10), (11) i (12).

#### Član 4.

U članu 82. stav (3) mijenja se i glasi:

„(3) Ako je to za njega povoljnije, sa licem iz stava (2) ovog člana, na njegov zahtjev, zaključit će se ugovor o radu na neodređeno vrijeme, s tim da takav ugovor prestaje ukoliko lice nije steklo uslove za napredovanje u više akademsko zvanje ili nije reizabrano u isto zvanje.“

Iza stava (3) dodaje se novi stav (4), koji glasi:

„(4) Licu koje je zaključilo ugovor o radu na neodređeno vrijeme i bude izabrano u više akademsko zvanje, visokoškolska ustanova će ponuditi novi ugovor o radu na određeno ili neodređeno vrijeme, kako je to za njega povoljnije.“

Dosadašnji stavovi (4) i (5) postaju stavovi (5) i (6).

#### Član 5.

U članu 154. stavovi (3), (6), (7), (8), (9), (11), (12) i (13) brišu se.

Dosadašnji stavovi (4), (5) i (10) postaju stavovi (3), (4) i (5).

U stavu (5), koji je postao stav (4), iza riječi „ do imenovanja“ dodaju se riječi „novog vršioca dužnost rektora“, a ostatak teksta briše se.

#### Član 6.

##### (Mandat privremenih organa Univerziteta u Tuzli)

(1) Predsjednik i članovi privremenog upravnog odbora Univerziteta zatečeni na dužnosti na dan stupanja na snagu ovog zakona, nastavljaju sa radom do imenovanja upravnog odbora u skladu sa odredbama zakona.

(2) Članovi senata Univerziteta zatečeni na dužnosti na dan stupanja na snagu ovog zakona, nastavljaju vršiti svoju dužnost do konstituisanja privremenog senata Univerziteta.

(3) Novog vršioca dužnosti rektora Univerziteta će u roku od tri dana od dana stupanja na snagu ovog zakona imenovati privremeni upravni odbor Univerziteta.

- (4) Prorektori, dekani i prodekani zatečeni na dužnosti na dan stupanja na snagu ovog zakona, obavljat će svoju dužnost do imenovanja vršilaca dužnosti prorektora, vršilaca dužnosti dekana i vršilaca dužnosti prodekana.
- (5) Novi vršilac dužnosti rektora Univerziteta će u roku od tri dana od dana njegovog imenovanja imenovati vršioce dužnosti dekana i vršioce dužnosti prodekana.
- (6) U roku od 10 dana od dana stupanja na snagu ovog zakona, privremeni upravni odbor Univerziteta, na prijedlog Privredne komore, i predstavnički organ studenata će imenovati, odnosno izabrati lica koja će obavljati dužnost članova privremenog senata Univerziteta, a vršioći dužnosti dekana će u roku od tri dana od dana njihovog imenovanja imenovati lica koja će obavljati dužnost člana privremenog senata Univerziteta.
- (7) Privremeni senat Univerziteta će u roku od 15 dana od dana stupanja na snagu ovog zakona održati konstituirajuću sjednicu. Privremeni senat Univerziteta može se konstituisati, raditi i odlučivati ukoliko je imenovano, izabrano, odnosno sjednici prisustvuje više od polovine ukupnog broja članova senata Univerziteta.
- (8) Privremeni senat Univerziteta će u roku od tri dana od njegovog konstituisanja raspisati konkurs za izbor rektora Univerziteta u skladu sa zakonom.
- (9) Privremeni senat Univerziteta će, na prijedlog vršioca dužnosti rektora Univerziteta, imenovati vršioce dužnosti prorektora.
- (10) Privremeni upravni odbor Univerziteta je obavezan u roku od 30 dana od dana stupanja na snagu ovog zakona uskladiti Pravilnik o unutrašnjoj organizaciji i sistematizaciji radnih mjesta Univerziteta sa odredbama ovog zakona i u roku od 10 dana od dana donošenja istog pravilnika raspisati javni konkurs za imenovanje direktora za ekonomske poslove Univerziteta.
- (11) Lice zatečeno na dužnosti direktora studentskog centra Univerziteta na dan stupanja na snagu ovog zakona ostaje na dužnosti do imenovanja vršioca dužnosti direktora studentskog centra Univerziteta. U roku od tri dana od dana imenovanja vršioca dužnosti rektora Univerziteta, privremeni upravni odbor Univerziteta će, na prijedlog vršioca dužnosti rektora Univerziteta, imenovati vršioca dužnosti direktora studentskog centra Univerziteta.
- (12) Generalni sekretar Univerziteta zatečen na dužnosti generalnog sekretara na dan stupanja na snagu ovog zakona nastavlja obavljati tu dužnosti do imenovanja vršioca dužnosti generalnog sekretara ili generalnog sekretara Univerziteta u skladu sa zakonom. Privremeni upravni odbor Univerziteta će, na prijedlog vršioca dužnosti rektora Univerziteta, imenovati vršioca dužnosti generalnog sekretara Univerziteta iz reda zaposlenih na Univerzitetu koji ispunjavaju potrebne uslove.
- (13) Ukoliko lice zatečeno na dužnosti generalnog sekretara na dan stupanja na snagu ovog zakona ne bude imenovano za vršioca dužnosti generalnog sekretara Univerziteta bit će raspoređeno na radno mjesto koje odgovara njegovoj stručnoj spremi.
- (14) U roku od šest mjeseci od dana stupanja na snagu ovog zakona svi organ Univerziteta i lica obuhvaćena ovim članom bit će izabrani, odnosno imenovani u skladu sa zakonom.

#### **Član 7.**

#### **(Stupanje na snagu)**

Ovaj zakon stupa na snagu danom objavljivanja u „Službenim novinama Tuzlanskog kantona“.

BOSNA I HERCEGOVINA  
Federacija Bosne i Hercegovine  
TUZLANSKI KANTON  
S k u p š t i n a  
Broj: 01-02-445-4/16  
Tuzla, 9.9.2016.

PREDSJEDNIK  
Skupštine Tuzlanskog kantona,

Senad Alić, v. r.